

UNIVERZITET U SARAJEVU
INSTITUT ZA GENETIČKO INŽENJERSTVO I BIOTEHNOLOGIJU

UNIVERSITY OF SARAJEVO
INSTITUTE FOR GENETIC ENGINEERING AND BIOTECHNOLOGY

B&H ❖ 71000 Sarajevo ❖ Zmaja od Bosne 8 Kampus ❖ Tel: +387(0)33 220-926 & 215-778
❖ Fax: +387(0)33 442-891 ❖ E-mail: ingeb@ingeb.unsa.ba ❖ WEB: www.ingeb.unsa.ba

PRAVILNIK O PRIZNANJIMA I NAGRADAMA
INSTITUTA ZA GENETIČKO INŽENJERSTVO
I BIOTEHNOLOGIJU

Sarajevo, februar 2018. godine

Na osnovu člana 135. stav (3) tačka (d) i člana 93. stav (2) tačka (c) Statuta Univerziteta u Sarajevu, Vijeće Univerzitet u Sarajevu-Instituta za genetičko inženjerstvo i biotehnologiju, na 59. sjednici održanoj 09.02.2018. godine, donijelo je:

**PRAVILNIK O PRIZNANJIMA I NAGRADAMA
INSTITUTA ZA GENETIČKO INŽENJERSTVO
I BIOTEHNOLOGIJU**

I OPĆE ODREDBE

Član 1.

Pravilnikom o priznanjima i nagradama Univerzitet u Sarajevu-Instituta za genetičko inženjerstvo i biotehnologiju (u daljem tekstu: Pravilnik) utvrđuju se priznanja i nagrade koje dodjeljuje Institut, te uvjeti i postupak za dodjeljivanje istih.

Član 2.

Priznanja Instituta za genetičko inženjerstvo i biotehnologiju (u daljem tekstu: priznanja Instituta) mogu se, pod uvjetima i postupku utvrđenom ovim pravilnikom, dodijeliti naučnom i administrativnom osoblju Instituta, kao i domaćim i stranim fizičkim i pravnim licima.

Član 3.

Priznanja i nagrade Instituta dodjeljuju se zaposlenicima Instituta za godine provedene na radu u Institutu i postignute rezultate u izvršavanju radnih zadataka, kao i posebne zasluge u radu u afirmaciji Instituta.

Priznanja i nagrade Instituta mogu se dodjeljivati i zaslužnim institucijama, pravnim i fizičkim osobama koja su dala doprinos uspješnom radu, suradnji i afirmaciji Instituta.

Član 4.

Dodjela priznanja i nagrada obavlja se po pravilu na svečanosti organiziranoj povodom obilježavanja dana Instituta.

Izuzetno od odredbi stave (1) ovog člana, dodjela priznanja može se obaviti i drugim povodom, u slučajevima kada svrha i cilj zbog kojih se dodjeljuju priznanja i nagrade opravdavaju njihovu dodjelu mimo obilježavanja dana Instituta.

Član 5.

Priznanja Instituta uručuje direktor Instituta.

II VRSTE PRIZNANJA I NAGRADA INSTITUTA

Član 6.

Priznanja Instituta su:

- a) Ingebov heliks 1988;
- b) Ingebova plaketa;
- c) Ingebova nagrada za inovativnost

Član 7.

Nagrade Instituta su:

- a) Novčane nagrade;
- b) Prigodni pokloni i
- c) druge prigodne nagrade.

Član 8.

Novčane nagrade iz člana 7. ovog Pravilnika se utvrđuju odlukom direktora Instituta, a na osnovu odredaba Jedinstvenog pravilnika o plaćama i naknadama osoblja Univerziteta u Sarajevu.

III IZGLED PRIZNANJA INSTITUTA

Ingebov heliks 1988.

Član 9.

Ingebov heliks 1988. je stilizirani metalni model strukture DNK na drvenom kvadarskom postolju, na koje se stavlja prigodna pločica sa logom Instituta i odgovarajućim podacima o zaslugama za priznanje i o njegovom dobitniku.

Ingebova plaketa

Član 10.

Plaketa Instituta se štampa na kvalitetnom 200 g papiru dimenzija 42x29,7 cm, a njen sadržaj čine naziv i znak Instituta, naziv priznanja, ime i prezime fizičkog lica odnosno pravnog lica, kratko obrazloženje Vijeća Instituta o dodjeli Plakete Instituta, broj i datum izdavanja te potpis direktora Instituta.

Ingebova nagrada za inovativnost

Član 11.

Nagrada za inovativnost se štampa na kvalitetnom 200 g papiru dimenzija 42x29,7 cm, a njen sadržaj čine naziv i znak Instituta, naziv priznanja, ime i prezime fizičkog lica odnosno pravnog lica, kratko obrazloženje Vijeća Instituta o dodjeli te nagrade, broj i datum izdavanja te potpis direktora Instituta.

IV KRITERIJI ZA DODJELU PRIZNANJA INSTITUTA

Član 12.

Ingebov heliks 1988. se dodjeljuje pojedincima i u posebnim slučajevima institucijama za izuzetan i trajan doprinos u razvoju i afirmaciji Instituta.

Član 13.

Ingebova plaketa se dodjeljuje institucijam pojedincima i institucijama za izuzetno dostignuće u naučnoistraživačkoj djelatnosti i ostalim oblicima afirmacije Instituta na domaćem i međunarodnom planu.

Član 14.

Ingebova nagrada za inovativnost dodjeljuje se povremeno za inovativna naučna rješenja u oblasti molekularne genetike, genetičkog inženjerstva i biotehnologije.

Član 15.

Priznanja i nagrade Instituta iz člana 6. i 7. ovog Pravilnika se dodjeljuju svakih 5 godina i prigodom jubilarnih godišnjica Instituta.

VI POSTUPAK DODJELE PRIZNANJA I NAGRADA INSTITUTA

Član 16.

Prijedlog za pokretanje postupka dodjele priznanja i jubilarnih nagrada Instituta mogu dati: Vijeće Instituta, Kolegij Instituta, direktor i šefovi laboratorija.

Prijedlog za dodjelu priznanja i nagrada podnosi se Odboru za dodjelu Institutskih priznanja u pisanom obliku i sadrži:

- a) podatke o podnosiocu prijedloga,

- b) vrsti priznanja i nagrade za koju se kandidat predlaže,
- c) podatke o predloženom kandidatu (osnovni biografski podaci),
- d) obrazloženje prijedloga
- e) potpis podnosioca prijedloga.

Član 17.

Odbor za dodjelu Institutskih priznanja i nagrada ima pet članova a imenuje ga Vijeće Instituta. Članovi Odbora se imenuju iz reda naučnih savjetnika, viših naučnih saradnika i ekvivalentnih akademskih zvanja.

Direktor Instituta je po funkciji predsjednik Odbora.

Mandat Odbora traje četiri godine.

Član 18.

Odbor radi na sjednicama.

Sjednica Odbora može se održati ako joj prisustvuje većina od ukupnog broja članova Odbora.

Odbor odluke donosi većinom glasova od ukupnog broja članova.

Član 19.

Vijeće Instituta donosi odluku o dodjeli priznanja i nagrada Instituta na osnovu izvještaja Odbora.

Član 20.

Dodjela priznanja i nagrada Instituta je svečani čin, a izabranim fizičkim/pravnim licima uručuje ih direktor Instituta na svečanosti povodom Dana Instituta ili drugim prigodnim svečanostima.

Član 21.

Stručne i administrativne poslove za rad Odbora i postupak dodjele priznanja Instituta obavlja sekretar.

Član 22.

U Institutu se vodi posebna evidencija o dodjeljivanju priznanja i nagrada Instituta.

Odluke o dodjeljivanju priznanja i nagrada Instituta objavljuju se na web stranici Instituta.

VII PRELAZNE I ZAVRŠNE ODREDBE

Član 23.

Sredstva koja su neophodna za provođenje postupka izrade i dodjele priznanja i nagrada u skladu sa ovim Pravilnikom obezbjeđuju se u Budžetu Instituta, o čemu vodi računa služba računovodstva.

Član 24.


Izmjene i dopune ovog Pravilnika vrše se na način i po postupku kako je to propisano za njegovo donošenje.

Član 25.

Ovaj pravilnik stupa na snagu danom donošenja.

Broj: 59-5/18

Sarajevo, 09.02.2018. godine



Predsjedavajući Vijeća:
Dr. sc. Nariš Pojskić, naučni savjetnik